

薑齋先生詩文集

五

詩集卷五

PDF

鼓棹初集

船山遺書六十

衡陽王夫之譔

船山鼓棹

初集

十六字令

落花影

落花影欵欵映春江終相就貼水不成雙

又

前題

落花影風颭小橋西掠素衿疑是染香泥

搗練子

晚春

雲似夢雨如塵花淚紅傾柳黛嚙也算人間春一度明年

莫更不還人

如夢令

本意

花影紅搖簾縫苔影綠浮波動風雨霎時生寒透碧紗煙
重如夢如夢忒殺春光調弄

又

前題

如夢花畱春住還夢春隨花去一片惜春心付與游絲飛
絮無據無據不覺夢歸何處

長相思

本意

寶刀分寶釵分繡帶分開墜畫裙餘香猶自溫 錦鴛羣
野鴛羣三十六雙認得真旁人莫漫嗔

又

前題

不思量也思量密語何曾得話長驚鴻夜渡湘
眞成雙
假成雙儂似蓮心苦惹藏憐他菡萏香

點絳脣

牡丹

春未分明靚面始知韶日曉朱凝粉裊費盡春多少
人在綠窗豔影朦朧遶碧天杳瑞雲回含錦襯空青表

又

前題

不道人閒消得濃華如許色有情無力殢着人相識
閱盡興亡冷淚花前滴眞傾國沈香亭北此恨何時釋

又

月桂

蟾館飛英隨他月在秋長在凍雲如黛幻出香嚴界
曾

訂青娥有誓深如海春光改清芳縹緲還與山礬賽

山礬一名春桂

又

碧桃

碧海凝霜問誰喚作春光住綠烟輕處月染幽香聚
縹緲雲魂舊厭霓裳舞天台路山空月冷不管劉郎誤

又

矮桃

絳頰盈盈牆頭怕惹遊人顧幽情誰訴芳草萋萋處
燕眼偷窺早倩綠雲護勤囑付低飛蛺蝶莫惹香泥污

女冠子

賣薑詞。余舊題茅堂曰薑齋此更稱賣薑翁非己能羨聊以補人之不足爾戲為之詞

且賣且歌之

賣薑來也誰是能酬價者不須慳老去絲尤密酸來心愈
丹垂涎休自悶有淚也須彈最療人閒病乍炎寒

又
慈竹

蕭疎不可簇簇綠烟深鎖一枝枝乳鳳梳翎細游鱗蛻甲
遲天高難借問風橫怕相欺且自團團住要誰知

浣溪沙

山行

曲曲屏山翠幙垂啼禽不揀淺深枝逗人斜轉竹林西
綠玉竿柔愁露浥翠烟葉密耐風欺溪光一半染玻璃

又

過熊男公夜話

炊稻烟闌煮笋香溪流縈岫半斜陽閒宵不覺翦燈長

魚計向春元得水蜨魂入夢不驚霜無勞濠上訊蒙莊

又
卽景

幸草猶餘幾段殘燒痕斜插野雞斑灰堆無數米家山
雙眼瞢騰疑夢覺一天晴雨兩闌珊不愁也索帶愁看

又
望歸雁

病眼遙天認不真一雙雙影未全分空花搖曳亂春雲
香篆欲消拖蠹尾平波初皺起魚鱗烏絲闌染素箋紋

霜天曉角
懷舊

平湖春水日落扁舟艤話到傷心深處雙淚落青樽裡
天不畱愁緒拚遣愁人死剛有一絲春怨又花落鵲聲止

菩薩蠻 早春

梅花綻錦催寒去
霜花鋪粉畱寒住
去住兩悽然
衰翁惜
歲年
燒根紅茁草已報春生
早莫惹曉鶯啼啼時花亂飛

添字昭君怨 秋懷

誰染千山烏柏欺殺一株衰柳
微霜何似鏡中霜
萬絲長
蠟屐從今幾雨
冰級當年屢上
夜闌星漢耿
清空挂殘虹

又 春懷

茸草偏生南浦
桃葉半遮芳樹
東風何用苦
相催緩緩來

長
剛倩柳絲黏住又被落紅勾去麟洲聞有返魂香海天

減字木蘭花

冬盡

鶯
烟籠殘月遮屋五更霜似雪小愛東窗逗漏玻璃數點黃
梅風疎緩凍蜨乍蘇幽砌暖生怕春生生雨生風困早

減字木蘭花

春怨

落花飛絮只有閒愁吹不去雨雨風風消受殘春一夢中
蒼烟碧靄一望迷離天似海燕燕鶯鶯儘說離愁話不
成

憶秦娥 燈花

心未冷娟娟還弄斜陽影斜陽影半點紅輕一天烟暝

殘香猶裊金猊鼎淚痕微映鴛鴦枕鴛鴦枕如何落去孤

衾難整

從不作豔詞以燈花止載得底語妄人說理可憎

又

前題

殘膏少零紅難待春宵曉春宵曉灰飛無迹更誰弄巧

朦朧睡眼微縈繞疑無疑有幽光小幽光小破鏡寒輝死

螢殘照

浮屠作燈花詩其自謂妙悟之供狀也以此爲爰書

清平樂 咏螢

夕風乍定冉冉穿芳徑曲沼欲尋鴛侶竝卻是伶俚孤影

來回柳岸苔陰不知露冷更深幾點殘星未落一彎斜
月初沈

又 嫩柳

霏霏屑屑略上些兒色斂盡翠眉剛半纈應是春光不徹
未妨雨細寒輕綠波淺映盈盈更着一分螺黛和烟綰
住流鶯

西江月 俗譚

到處凍膿絡索逢人歌間譚謔無多弊撥總酸餒罨得英
雄漚澆 偏僅幾分卽溜郎當一味鼯鼯碎訇浪裏囹圄
遊誰受萑干倥傯

吹虎可切聞火雅切譚謔讀如連婁弊
撥莊子註音跋撒今祁陽人呼零星物

事爲八撒應卽此字漚去聲浼音耨
僮或作沓蠟兩干或音作滿衍干音韓

南鄉子

畱別家兄

老去別堪驚日暮長亭亦短亭
鏡裏朱顏唯夢裏惺惺刺
柏堂前一字行此去更無憑
藥餌誰扶瘦骨輕望斷嶽
阡魂縹緲伶俜萬疊烟波兩葉萍

鷓鴣天

劉思肯畫史爲余寫小
像雖不盡肖聊爲題之

把鏡相看認不來問人云此是薑齋龜
於朽後隨人卜夢
未圓時莫浪猜誰筆仗此形骸閒
愁輸汝兩眉開鉛華
未落君還在我自從天乞活埋
觀生居舊題壁云六經責
我開生面七尺從天乞活

埋

又 藤蓑詞。藤蓑白沙隱服

簾簾江門舊釣竿如今落手儘清閒
鱗鱗三六雙雙鯉歷歷千重疊疊山
斜月落曉霜殘藤蓑耐得一江寒
櫂頭信水亭亭去鯨浪驚雷午夢安

又 前題

拾得藤蓑挂破船蘆汀柳岸兩悠然
瞳矓海日生殘夜爛漫江春入舊年
霞散綺綠飛烟儂家何處不青天
星辰濫摘從人買只索苔陰數顆錢

又 前題

不唱江門舊棹歌人間今古有藤蓑
况逢木落天空後柰

此風清月白何 穿衰柳度殘荷一行白鳥掠清波孤吹
鐵笛騰騰去驚落殘花胥女蘿

又 前題

雲白垂垂水自流藤蓑晴曬釣魚舟
蓼花雙映迎紅粟鷺影斜拖顫玉鈎
從闌緩儘樓搜丹楓葉落不關愁閒愁
只爲多愁客鏡裏狂尋頭上頭

又 前題

藤蓑別樣有新裁不打江門舊譜來自憐艇子容雙槳不
羨鱸魚有四腮 帆已挂柁頻開掀濤拍岸且徘徊涪翁
漫道風波險似此風波亦快哉

虞美人

落花

柳風催送橫天雨。自是難畱住。更無消息教人知。不解一宵驚去。定因誰。香膏釀出紅芳密。費盡東風力。到來無緒。戀東風爲愛。半溪流水。暝溶溶。

臨江仙

山礬。○瑤花也。一名春桂。或云唐昌玉蕊卽此。

本是玉瑤天上種。幾時還駐雲輶。檀心粉頰兩盈盈。香迷雙嫩蜨。熏惱一林鶯。手折一枝相借問。何如蟾闕秋清。東君着意更殷勤。朦朧烟月。暝駘宕柳風輕。

蜨戀花

早秋

落日靑空分燕尾。一片殘雲猶作孤峰紫。翦翦白蘋風歛。

起藕花露滴清波裏 爲問貼天雙燕子底事能忘辛苦
春前壘回首垂楊無限意無情也應悲秋死

又 春景

薄日蒸雲光影碎白靄濛濛罩住春山睡一樹梨花輕霧裏
玉山斜倚冰綃醉 半吐山礬香孕蕊小步尋春好了
鶯花事莫待楝花花信至子規難挽東流水

醉春風 遣病

未了游絲債莫被浮雲礙雞聲歷歷曙光微在在在月挂
西樓風輕柳岸虹垂天外 但遣愁城壞不怨霜荷敗情
知臘盡雪須消耐耐耐未必他生還如今日長年禁害

青玉案 憶舊

桃花春水湘江渡。縱一艇迢迢去。落日潁光搖遠浦。風中飛絮。雲邊歸雁。盡指天涯路。故人知我年華暮。唱徹灞陵回首句。花落風狂春不住。如今更老。佳期逾杳。誰倩啼鵲訴。

江城子 咏雪

依依欲待入簾櫳。怕回風。怨回風。一霎驚飛。吹過小橋東。梅信未來楓葉盡。誰欸欸。與從容。前溪流水忒匆匆。拚孤蹤。碧波溶冷。淡魂消舊。恨有無中。不似柳綿歸計。晚人只解惜殘紅。